



KP(BPSH-SPDK) 201/005/01/JIId. 4(7)
27 April 2011

Semua Pengarah Pelajaran Negeri

Y.Bhg. Dato'/Tuan/Puan,

SURAT PEKELILING IKHTISAS BILANGAN 4 TAHUN 2011
PELAKSANAAN PENGAJARAN *Bible Knowledge* KEPADA MURID-
MURID BERAGAMA KRISTIAN DI SEKOLAH-SEKOLAH KERAJAAN DAN
SEKOLAH-SEKOLAH BANTUAN KERAJAAN SELEPAS WAKTU
PERSEKOLAHAN

Kementerian Pelajaran Malaysia membenarkan pengajaran *Bible Knowledge* kepada murid-murid Kristian di luar waktu persekolahan di premis Sekolah Kerajaan. Kebenaran ini diberikan bagi tujuan untuk membantu murid-murid berkenaan menduduki peperiksaan mata pelajaran tersebut di peringkat SPM sahaja.

2. Pelaksanakan keputusan membenarkan pengajaran *Bible Knowledge* kepada murid-murid Kristian hendaklah mengikut panduan berikut

2.1 Pengajaran *Bible Knowledge* di Sekolah Bantuan Kerajaan.

2.1.1 Sekiranya dalam sesebuah daerah itu terdapat Sekolah Bantuan Kerajaan yang menawarkan pengajaran *Bible Knowledge* bagi peperiksaan SPM, maka premis sekolah tersebut boleh digunakan untuk mengajar murid-murid Kristian.

2.1.2 Bagi murid-murid lain dari Sekolah-Sekolah Kerajaan dalam daerah yang sama yang berhasrat mengambil mata pelajaran *Bible Knowledge* bagi peperiksaan SPM boleh menumpang belajar di Sekolah Bantuan Kerajaan tersebut.

2.2 Pengajaran *Bible Knowledge* di Sekolah Kerajaan.

2.2.1 Jika sekiranya dalam sesebuah daerah itu **tidak terdapat** Sekolah Bantuan Kerajaan atau jarak sesebuah Sekolah Kerajaan itu adalah sangat jauh daripada Sekolah Bantuan Kerajaan yang menawarkan pengajaran *Bible Knowledge*, maka pengajaran *Bible Knowledge* di premis Sekolah Kerajaan boleh diadakan di luar waktu persekolahan; dan

2.2.2 Pengajaran *Bible Knowledge* dalam premis Sekolah Kerajaan selepas waktu persekolahan hanya boleh diadakan sekiranya mendapat persetujuan daripada Persatuan Ibubapa (PIBG) sekolah seperti Peraturan 5(1)(d), Peraturan-Peraturan Pendidikan (Persatuan Ibubapa-Guru)1998 [P.U.(A)118/98];

3. Kebenaran yang diberikan untuk pengajaran *Bible Knowledge* di Sekolah Kerajaan adalah tertakluk kepada syarat-syarat berikut:

- 3.1 Murid-murid beragama Islam tidak dibenarkan sama sekali menghadiri kelas pengajaran *Bible Knowledge*;
- 3.2 Murid-murid dari agama lain pula hendaklah mendapat kebenaran bertulis daripada ibu bapa masing-masing jika hendak mengikuti kelas pengajaran *Bible Knowledge*;
- 3.3 Pengajaran *Bible Knowledge* di premis Sekolah Kerajaan hendaklah tidak menimbulkan apa-apa implikasi kewangan kepada Kerajaan.
- 3.4 Pihak penganjur pengajaran *Bible Knowledge* dan murid-murid yang mengikuti kelas itu dilarang meninggalkan apa-apa bahan atau material yang digunakan semasa sesi pengajaran, di mana-mana bahagian premis Sekolah Kerajaan selepas sesi pengajaran berakhir;
- 3.5 Pengajaran di luar skop sukatan peperiksaan *Bible Knowledge* peringkat SPM adalah tidak dibenarkan, misalnya pengajaran yang berhubungan dengan pembaptisan; dan
- 3.6 Guru-guru yang disediakan oleh pihak penganjur untuk mengajar *Bible Knowledge* itu hendaklah terdiri daripada guru-guru yang berdaftar di bawah Seksyen 103 Akta Pendidikan 1996 [Akta 550].

4. Y.Bhg. Dato'/Tuan/Puan adalah dipohon untuk mengambil tindakan sewajarnya serta memaklumkan kandungan Surat Pekeliling Ikhtisas ini kepada pegawai yang bertanggungjawab di Jabatan Pelajaran Negeri, Pejabat Pelajaran Daerah, Pengetua dan Guru Besar di bawah pentadbiran Y.Bhg. Dato'/Tuan/Puan.

Sekian. Terima kasih.

"BERKHIDMAT UNTUK NEGARA"



DATO' ABD. GHAFAR BIN MAHMUD
Ketua Pengarah Pelajaran Malaysia

- s.k.
1. YAB Tan Sri Dato' Haji Muhyiddin Bin Mohd Yassin
Timbalan Perdana Menteri merangkap Menteri Pelajaran
 2. Y.B Datuk Dr. Ir. Wee Ka Siong
Timbalan Menteri Pelajaran
 3. Y.B Datuk Dr. Mohd Puad Bin Zarkashi
Timbalan Menteri Pelajaran
 4. Ketua Setiausaha Kementerian Pelajaran
 5. Timbalan-Timbalan Ketua Setiausaha
Kementerian Pelajaran
 6. Timbalan-Timbalan Ketua Pengarah Pelajaran Malaysia
Kementerian Pelajaran Malaysia
 7. Ketua-Ketua Bahagian Kementerian Pelajaran Malaysia
 8. Ketua Nazir Jemaah Nazir dan Jaminan Kualiti
Kementerian Pelajaran Malaysia
 9. Penasihat Undang-Undang
Kementerian Pelajaran Malaysia
 10. Pegawai Perhubungan Awam
Kementerian Pelajaran Malaysia